

直隸霍州志卷十四

祠廟

天人一理也鬼神者又天地之功用而相協於人者也凡血氣陰陽之所感見於好惡成爲運會而鬼神亦不能不各出其途以相救王者幽明並治其消息必通諸此矣顧或者守經經之見必欲循古制以戾今俗是猶文中子之譚封建李太伯之論井田義雖精而必不可行也夫禮以時爲大我國家昭格神明爲民錫福凡壇廟祭祀皆折衷古今規制備極精詳故於創建諸條敬謹載列昭令典也至於鄉社常祀義苟近正亦加採輯以爲習俗相沿未能驟易姑去其已甚焉耳

文廟

詳學  
校

關帝廟在州治西南舊爲 關王廟順治九年

勅封忠義神武關聖大帝每歲五月十三日致祭雍正三年

詔令天下郡縣每歲春秋二仲由欽天監擇日頒發致祭祀以太牢追崇三代



封曾祖光昭公祖裕昌公父成忠公並設主於後殿同日致祭乾隆三十二年

勅封忠義神武靈佑關聖大帝六十年奉

上諭着節去勅封二字示敬也嘉慶二十年奉

上諭加封仁勇二字

陳設帛一俎三登一鉶二簠簋二籩豆十尊一爵三鑪一鐙二後殿各帛一俎二籩豆八無登牲用犢一羊一豕一後殿惟不用犢廟一在東門內

文昌廟 在學宮左

嘉慶六年奉

旨直省府州縣建修

文昌帝君廟仿照

關帝廟祀典每歲仲春以誕日致祭仲秋頒日致祭祀

以太牢建

文昌帝君先代祠於殿後同日致祭陳設與

關帝廟前後殿同

魁星閣 又名奎星閣在帝君廟東南

世傳魁星以鬼與斗寓魁字之象以一足寓獨占鰲頭之象手筆與錠寓必定如此之象蓋隋唐設科目以後作此以送應舉者為之吉兆彼此相效成為故事久之忘所由來遂以此為魁星之像矣考北斗魁



為首故凡占首者皆曰魁於是學宮文昌宮皆作魁星樓閣塑此吉兆而祀之亦有建魁星樓閣而仍塑此吉兆於其上者奎與壁文明之宿史皇氏仰觀奎星園曲之勢而作文字與斗魁義無涉乃或遂以為奎木得狼宜成此青碧猙然之形象斯更奇矣今祝祀已久遂若有憑之者姑識於此

社稷壇

州北門外

壇在城西北北向高三尺方廣各二丈五尺四出陛各三級壇上立石主一長二尺五寸方一尺壇南正中去壇二尺五寸埋中露圓尖頂設木主二社左稷右主高二尺四寸濶六寸座高五寸濶九寸五分壇下前十二丈或九丈五尺東西南各五丈繚以周垣四門紅飾歲以春秋二仲上戊由北門入祭又每歲四月雩祭亦行禮於此陳設各帛一釧二簠二簋二籩四豆四爵三尊一共羊一豕一

先農壇

在東門外雍正四年詔各府州縣衛立壇行耕藉禮置藉田各四畝九分

直隸霍州志

卷十四

祠廟

三

壇制高二尺五寸濶二丈五尺壇後南向正廳三間中奉先農神主高濶如社稷壇東配間貯祭器農具西配間貯耕田米穀四面繞垣歲以仲春吉亥朝服行祭禮禮成更采服率屬耕藉知州秉耒九推佐貳捧青箱播種農夫終畝陳設與社稷壇同

神祇壇

在南門外舊名風雲雷雨山川壇嘉慶十七年詔改今名

壇在城西南南向高二尺五寸方廣各二丈五尺四出陛南五級東西北各三級設木主中日風雲雷雨之神左曰霍州境內山川之神左神隍之神神主式與社稷同四面各十五丈繚以周垣四門與社稷同每歲春秋二仲上戊由南門入祭陳設帛用七餘同前

霍山中鎮廟

虞書傳曰中祀太岳霍山貢兩伯之樂焉又云舜巡四岳中祀大交霍山樂與元祀岱泰山同前編云



禹貢冀州自有太岳今猶謂之霍太山則堯都冀州蓋以太岳為中岳按鄭注周禮四望有五嶽四鎮四竇後世祀典祇有五岳四竇而無四鎮隋制祀四鎮以霍山為中鎮是為五鎮矣唐貞觀四年立廟開元八年三月封應聖公開成二年勅命重修刑部尚書鄭瀚撰碑銘並序水經注云霍太山廟烏鵲不棲其林猛獸常守其庭即此廟也宋以土王日祀霍山於晉州政和四年八月戊寅封四鎮山為王紹興中祀中鎮位樂歌云禹畫九州河內日冀霍山崇崇作鎮積勢我祀如何百昌旨味承神燕娛諸神畢至金大定十七年有司以殿宇傾毀具文申請遂賜錢一十三萬委官復新之每歲土極之日差顯官一員暨所屬備禮禋祀貞祐之亂河朔神祠無不灰燼而霍山廟獨存元成宗大德三年二月加封中鎮霍山為崇德應靈王勅有司歲時與嶽竇同祀至元三年定封典以六月中岳鎮土王日祀霍山於平陽府界歲祀銀香合一重二十五兩銷金幡二鈔二百五十貫惟登寶位祭告加銀五十兩中統鈔

直隸霍州志

卷十四

祠廟

四

國朝

康熙六年

二百五十貫 明洪武二年正月改稱中鎮霍山之神遣楊瑩然齎金香合一具重十六觔以三月初六日祀於祠下撰勅賜中鎮記命有司春秋肅祀每遇改元暨兵荒仍遣官祭告建文元年承樂四年景泰元年六年天順元年成化二十年正德六年嘉靖十一年二十三年三十五年四十年俱遣官致祭

諭祭文曰惟神巒倚龍門峯盤太岳竦汾挹絳育物福民朕誕膺

天命祇荷神庥特遣專官用申殷薦神其鑒焉 康熙二

十一年二十三年胥遣官致祭



諭祭文曰惟神協尊嵩室峙鎮岳陽坤極宅中萬類滋  
大朕祇承神祐考禮時巡特遣專官用申殷薦神其  
鑒焉 二十七年

諭祭文曰惟神鍾奇觀阜作鎮中岳澤沛山河功符二  
室朕纘承

祖宗丕基虔恭明祀茲以

皇祖妣孝莊仁宣誠憲恭懿翊天啓聖文皇后神主升祔  
太廟禮成特遣專官用申秩祭惟神鑒焉 三十五年

諭祭文曰惟神高峙岳陽尊同嵩室靈爽孔赫作鎮中

直隸霍州志

卷十四

祠廟

五

區朕勤恤民依永期殷阜邇年以來郡縣水旱間告  
年穀歉登早夜孜孜深切軫念用是專官秩祀冀雨  
暘之時若庶稼穡之屢豐惟神鑒焉 三十六年

諭祭文曰惟神靈標顯赫位鎮中央衍澤橫汾齊名泰  
嶽朕以勦除狡寇三履遐荒期掃邊塵乂安中外今  
者祇承神祐塞北永清用告成功專官秩祀惟神鑒  
焉 四十二年

諭祭文曰惟神望重八紘功齊二室威靈丕赫作鎮中  
方朕祇承休命統馭寰區夙夜勤勞殫思上理歷茲



四十餘載今者適屆五旬海宇昇平民生樂業見輿情之愛戴沛下土之恩膏特遣專官虔申秩祀尚憑靈貺益錫蕃禧佑我國家共登仁壽神其鑒焉又頒御書秀峙中區匾額懸正殿內 五十二年

諭祭文曰惟神德配嵩高位侔岳靈威有赫作鎮中邦朕纘受鴻圖撫臨區宇殫思上理夙夜勤求惟日孜孜不遑暇逸茲御極五十餘年適當六旬初屆所幸四方寧謐百姓乂和稼穡茂登風雨時若惟庶徵之協應爰秩祭之虔修特遣專官式循舊典冀益贊

雍熙之運尚永貽仁壽之庥俯鑒精誠用垂歆格  
五十八年

諭祭文曰惟神位鎮岳陽鎮標山右占雲降澤挺秀呈祥朕纘承

祖宗丕基虔恭明祀茲以

皇妣孝惠仁慈端懿純德順天翼聖章皇后神主升祔太廟禮成特遣專官用申秩祭惟神鑒焉 雍正元年

諭祭文曰惟神德配嵩高位侔岳靈威有赫作鎮中邦朕纘受丕基繼承景命竊念



皇考膺圖以來百靈効順四海從風坐享昇平六十餘歲  
茲當嗣位之始宜隆祀享之儀特遣專官虔申昭告  
惟冀時和歲稔物阜民安淳風遍洽乎寰區厚德長  
敷於率土尚其歆格鑒此精誠 雍正十三年  
諭祭文曰惟神德媿嵩高奇標天柱永昭奠定統御中  
區朕纘承大統仰紹前徽伏念

皇考臨御以來敬禮明神肅將禋祀靈祇孚應昭受鴻庥  
清晏奠安茂登上理茲當嗣位之始宜隆望秩之儀  
特遣專官虔申告祭惟冀雨暘時若年穀順成萬方  
直隸霍州志 卷四 祠廟 七  
蒙樂育之庥兆姓荷幌幪之德尚其歆格鑒此精誠  
乾隆十三年  
諭祭文曰惟神嵩室侔尊岳陽表鎮宅中撫外萬彙榮

昌朕祇承神祐考禮

時巡爰遣專官用申殷薦神其鑒焉 乾隆十四年

諭祭文曰惟神天柱標奇龍湫孕秀爲嵩室輔樞紐寰  
中茲以邊徼救寧中宮攝位

慈寧晉號慶洽神人敬遣專官用申殷薦神其鑒焉  
乾隆十五年



諭祭文曰惟神天柱標奇龍湫孕秀分雄嵩室樞紐寰  
中茲以正位中宮鴻儀懋舉

慈寧晉號慶洽神人敬遣專官用申殷薦神其鑒焉

乾隆十七年

諭祭文曰惟神天柱標奇龍湫孕秀分雄嵩室樞紐寰  
中茲以

慈寧萬壽懋舉鴻儀敬晉

徽稱神人慶洽爰申殷薦特遣專官神其鑒焉

乾隆二十年

直隸霍州志

卷十四

祠廟

八

諭祭文曰惟神雄標太嶽秀峙諸峯韞采耀靈居中作  
鎮茲以平定準噶爾大功告成加上

皇太后徽號中外歡騰神人慶洽敬遣專官用申秩祭惟

神鑒焉 乾隆二十五年

諭祭文曰惟神作鎮冀州標靈太岳上 雷首雄峙河  
東地重堯都功勤禹跡茲以蕩平回部永靖西陲大  
武用成普天禔福拓八埏於無外撫五氣以升中敬  
遣專官特將秩祀惟神鑒焉 乾隆三十七年

諭祭文曰惟神河汾毓秀晉絳凝休比兩室於嵩高尊



一峯爲太岳氣凌姑射河府彙仙窟之靈勢拱平陽  
都會壯堯封之勝茲以

慈闈萬壽懋舉鴻儀敬晉

徽稱神人慶洽仰靈祇於鉅鎮敬答洪禧肅環拱於中原  
虔修秩祀尚祈右享鑒此精誠 乾隆四十一年

諭祭文曰惟神拔奇晉絳作鎮河汾接靈氣於中條尊  
高峯爲太岳功崇禹跡暨禹轍於蠻方甸識堯都訖  
堯封於戎索茲以金川蕩掃番落永清大武用成普  
天禔福崧高並峻撫五氣以升中蜀道何難控諸番

直隸霍州志

卷十四

祠廟

九

而靖遠敬申秩祀特遣專官惟神鑒焉 乾隆四十  
五年

諭祭文曰惟神靈儲晉絳秀毓河汾著霍邑之雄觀表  
平陽之鉅鎮尊推太岳屏藩績効於一方峻比嵩高  
保障功齊夫兩室茲以朕七旬展慶九有臚歡懋舉  
崇儀特申昭告仰嘉庥之洊至瑞藹堯封緣景福之  
綿延祥彌禹甸爰陳蠲告用答洪禧 嘉慶元年

諭祭文曰惟神天柱標奇龍湫孕秀分雄嵩室樞紐寰  
中茲以正位中宮鴻儀懋舉



慈寧晉號慶洽神人敬遣專官用申殷薦神其鑒焉

嘉慶元年

諭祭文曰惟神河汾奠位岳絳儲靈綿祥用表乎堯封  
作鎮爰徵於周禮方輿峙秀名開嵩室之先太岳稱  
雄秩比岱宗之貴茲以乾隆週甲嘉慶紀元懋舉崇  
儀特申昭告土爰稼穡仰成位於中央山出雨雲助  
資生於萬物鑒歆來格納祉無疆 嘉慶五年

諭祭文曰惟神澤沛三河尊侔二室名高天柱上當參  
觜之星勢俯龍門中帶汾瀆之水符崇稱於太岳漢

直隸霍州志

卷十四

祠廟

十

志詳標肇靈跡於平陽堯都昔建朕寅成洪典懋舉  
崇儀茲以嘉慶四年十一月二十六日恭奉

高宗法天隆運至誠先覺體元立極敷文奮武孝慈神聖  
純皇帝主配享

園丘禮成特遣專官虔申昭告惟冀陰陽和會並嵩嶽以  
降神風雨均調佑中州而錫福 嘉慶十四年

諭祭文曰惟神炳靈參野作鎮冀方庥祥遠溯乎唐虞  
形勝遙連於輦洛峯頭霧豁秀標代晉之區石骨雲  
披澤普河汾之澍茲以朕五旬展慶兆姓攄忱旅望



虔修禮儀具舉山稱雄於兩 儼同列岳之尊土寄  
旺於四時永奠中央之位鑿鑿有兆降福孔昭  
嘉慶二十五年

諭祭文曰惟神奠位河汾炳靈晉絳典徵周禮瑞啓堯  
封朕誕受隆基光膺景命竊念

皇考御極以來廣輪楹豫函夏乂安懷柔百神惠綏中土  
茲當嗣位之始宜隆祀享之儀特遣專官式循典禮  
惟冀休徵顯應嘉祉宏施障關輔以鞏皇圖佐嵩高  
以昭靈貺尚其歆格鑒此精誠 道光元年

直隸霍州志

卷十四

祠廟

十一

諭祭文曰惟神高峙河東尊侔嵩少宮山表峻釋名稽  
爾雅之經天柱標奇作鎮宅平陽之域沂導源於汾  
水遠控龍門應次野於參墟上通虎首朕祇承寶祚  
虔舉鴻儀茲以道光元年四月初六日恭奉

仁宗受天興運敷化綏猷崇文經武孝恭勤儉端敏英哲  
睿皇帝主配享

園丘禮成特遣專官敬申昭告惟冀陰陽和會助岳雲河  
雨之靈秩祀升中昭虞坂唐都之盛尚其歆格感此  
精誠



龍王廟 在州城東三里廟前 有泉因呼為龍池溝

上諭 雍正五年奉 龍神散布霖雨福國佑民功用顯著令各省迎請供

奉是年奉文建廟每歲 春秋奉部頒日致祭

龍神祠

城隍廟 在州學南前代各有封號明洪武三年五月詔 定稱本府州縣城隍之神

國朝因之順治十六年知州劉浩重修康熙三十八年 州人重修乾隆二十二年嘉慶十五年知州黃肇隆

葉峻峒重修道光五年知 州崔允昭重修道光五年知

厲壇 在北門外 延慶洞西

壇制高一尺六寸方濶二丈五尺四出陛各三級壇 下南九丈東西北各五丈繚以周垣祭以清明日七

直隸霍州志

卷十四

祠廟

十三

月十五日十月十一日歲三祭先期牒告城隍廟至 日設無祀鬼神牌於壇下左右迎城隍於壇上主之

按厲之名見祭法鬼有歸則不為厲祭 時迎城隍臨壇昉明洪武四年例也

火星廟 在城宣二里明成化間知州崔明建康熙四十 三年乾隆四十二年嘉慶二十四年合州重修

中鎮廟 在州治東南嘉靖二十七年知州孔興連重修 嶽廟改建康熙四十四年知州安如岡改建神

八蜡廟 舊在城東南嘉靖十七年知州安如岡改建神 祇壇東三十六年知州褚相東西易一楹而新

之及厨庫二所按禮伊耆氏始為蜡其神八一先嗇 二司嗇三農四郵表啜五貓虎六坊七水墉八昆蟲

藥王廟 在城宣四里係普濟院改 建乾隆二十年合州重修

帝堯廟 在霍山陶唐谷 知州褚相建

唐太宗廟 在杜 莊村



聖王廟 在城東南里許道光五年合社重修祀唐太宗按禮制凡帝王之尊非民間所得褻祀也

大王廟 在南門外合州建修祀金龍四大王按此漕河之神於州則義無所取也左傳臺駘汾神也宜

改祀之

二郎廟 在城宣二里嘉慶二十四年合州重修按二郎即宣貺真君也祀之觀阜猶可於城非義也

介之推廟 在安樂村高岡上有碑記

馬王廟 在城宣一里康熙二十八年驛丞王俊建乾隆三年知州王輝重修按此以稱馬祖為是

旗纛廟 在把總署內以霜降日致祭

牛王廟 在城東街按此以稱牛神為是

關帝祠 在城南辛一里名八里茶房邑人李良濟良濬捐建內有井深三百六十尺汲水施茶以濟行人

直隸霍州志

卷十四

祠廟

十三

人

三結義廟 南門外周惟思石照建按漢昭烈帝之於關張不過恩若兄弟耳非若世俗之拜盟結義也宜改為三義廟

蕭曹祠 在州署東石亭戒

土地祠 在州署儀門外

忠愛祠 知州王來觀死於節李紹祖陳鈞死於事皆勤其官者也州人哀而祠祀之

昭忠祠 在州城關帝廟西廡嘉慶九年奉文建設祀

贈太僕寺卿四川侯補知府靈石王如玉本州兵丁關德趙城兵丁續福清趙清遠榮登貴

趙城縣



伏羲廟 舊志在邑東南伏

媧皇廟 在東門外五里許侯村里

帝王世紀女媧氏風姓當大化之初以木德王肇嫁

娶製笙簧煉石補天斷鼇立極 唐天寶六年重修

宋開寶六年於趙城得女媧原廟遂命中使歲事有

司揆功特新祠宇裴麗澤撰碑銘並序乾德四年詔

長吏春秋奉祀政和三年仲春仲秋享女媧氏於晉

州金時重修王綱撰碑銘並序元至元元年羽士張

志一重修廟貌宏敞廣盈五里大德癸卯地震傾圮

明洪武三年遣官齋金香盒一重十六勛命有司常

加修葺以附地人戶守之有司春秋肅祀三歲遣官

致祭改元亦然正統壬戌廟災祗存後殿邑令何子

聰奉勅新之宋拯撰記嘉靖甲子復災重修寢廟寶

經撰記嘉靖六年三十五年遣官致祭

國朝順治八年康熙七年二十七年三十五年三十六

年四十二年五十二年五十八年雍正元年二年乾

隆二年十四年十七年二十年二十四年三十年三十

七年四十五年嘉慶元年胥遣官致祭詳縣志

按縣志廟舊塑媧皇像正殿袁冕執圭奉為女主寢

宮作后妃裝儀容工麗出神鄉民多求嗣於此乾隆

十七年祭告使者太常寺卿仁和金德瑛

奏毀女主像另立牌位安設以時展禮

直隸霍州志

卷十四

祠廟

十四

中鎮廟

前見

東嶽廟 東門外按東嶽在兗州非境內之山也博物志

生命之長短古詩人生樂未央忽然歸

真武廟 在霍山絕頂距城六十里舊志云明季南路香

一座四面設銅欄干門外設銅牌坊上下皆飾以金

碧輝煌一座東西香火院數十間左右鐘鼓樓周垣金

真武即北方元武也陸稼書先生以為元冥水神昔



金天氏有裔子曰昧為元冥師生臺駘能業其官於晉據此則當為汾河之神矣

宣貺侯廟 即遺趙簡子朱書者在觀阜

聖母廟 在侯村里漢建和年建舊志稱為華胥聖母按史記太昊伏羲氏之母居華胥之渚履巨人跡

意動而娠生帝於成紀蓋因此而附會之耳

趙簡子祠 縣東北三里廟後有塚明正統十二年修

豫讓廟 在南八里官路西有古碑

紀信廟 在上紀落里元至正初年建

樊噲廟 在樊村里

造父廟 宋政和三年賜趙城縣造父祠為慶祚廟

直隸霍州志

卷十四

祠廟

十五

劉公祠 祀邑令劉四端在城南門外明萬厯間建

秦侯祠 祀邑令秦嘉兆順治年建

趙侯祠 祀邑令趙祥星順治年建

靈石縣

潔惠侯廟 在綿山神林廟祀介之推宋元豐間以禱雨靈應詔封為潔惠侯

禹王廟 在鋪頭村一在城西北望川原相傳禹嘗登原以望川水之出入後人建廟於此

子夏廟 在石門峪史記汾州祠五此其一也知縣白夏狄其麟繼修

韓侯廟 在城南二十里高壁鎮詳墳墓

義勇武安王廟 在郭家溝橋北萬厯間知縣白夏重修撰記



李衛公祠 在小水鎮西嶽廟內詳古蹟

東嶽廟 二一在文殊原 一在靳村原

西嶽廟 在小水鎮

北嶽廟 在平家坨梁村

金水龍王廟 在城北堤

河神廟 二一在冷泉鎮 一在張家莊

龍母廟 在金莊村

媧皇廟 在南關鎮

柏王廟 在縣東沙峪村祀神農氏臣柏皇氏

直隸霍州志

卷四

祠廟

十六

蠶宮聖母廟 在伏家塢

二賢祠 在城隍廟東祀前邑令徐來麟梁應宸